

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու որոշումները բեկանելու և վարչական իրավախախտման վերաբերյալ գործերը կարճելու մասին

<29>> 06 2018թ. 14-13-74038-18/17-13-4085

ք. Երևան

ՀՀ ոստիկանության Ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Սվետիկ Ավագյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Մեծարենցի փողոց 17 տան բնակիչ Սվետիկ Ավագյանը դիմումով խնդրել է բեկանել Ճանապարհային ոստիկանության վարչական տույժ նշանակելու մասին որոշումները՝ նշելով, որ իրավախախտումները կատարվել են այլ անձի կողմից:

<<Վարչարարության հիմունների և վարչական վարույթի մասին>> ՀՀ օրենքի 51-րդ հոդվածի 1-ին մասի համաձայն՝ վարչական մարմինը վարույթի մասնակիցների դիմումի հիման վրա պարտավոր է որոշում ընդունել բողոքարկման ոչ ենթակա վարչական ակտը փոփոխելու, անվավեր կամ ուժը կորցրած ճանաչելու վերաբերյալ, եթե՝ բ) առկա են նոր ապացույցներ, որոնք կարող են հանգեցնել վարույթը վերսկսելու հարցով դիմած անձի համար ավելի բարենպաստ որոշում ընդունելուն:

Դիմումի քննարկման արդյունքում պարզվել է, որ դիմումատուի խնդրանքը ենթակա է բավարարման հետևյալ պատճառաբանությամբ.

Դիմումատուն նշել է, որ թեև Mercedes-Benz մակնիշի 34 NT 246 հաշվառման համարանիշի ավտոմոբիլը հաշվառված է եղել իր անվամբ, սակայն նա երբևիցե վարորդական վկայական չի ունեցել, ավտոմոբիլ վարել չի կարողացել և չի վարել: Այն կարճ ժամանակ վարել է իր որդին՝ Ստեփան Ամիրջադյանը, ով 03.06.2018թ. մահացել է (հիմք՝ 04.06.2018թ. թիվ ԱԲ-293000 մահվան վկայական):

<<Վարչական իրավախախտումների վերաբերյալ>> ՀՀ օրենսգրքի 32 հոդվածի 3-րդ մասի համաձայն՝ այն դեպքերում, երբ Ճանապարհային երթևեկության կանոնի խախտումն ամրագրվել է տեսանկարահանման կամ լուսանկարահանման միջոցով, ապա սույն օրենսգրքով նախատեսված վարչական պատասխանատվությունը կրում է տրանսպորտային միջոցի սեփականատերը, իսկ եթե տրանսպորտային միջոցը հանդիսանում է իրավաբանական անձի սեփականություն, ապա այն անձը, որին ամրացված է տրանսպորտային միջոցը կամ տրանսպորտային միջոցն ամրացնելու իրավասություն ունեցող անձը, եթե չեն ապացուցում, որ խախտումը կատարել է այլ անձ:

Վարչական վարույթի ընթացքում կատարված վերլուծության արդյունքում հիմնավորվել է, որ 2014թ. տեսանկարահանող և լուսանկարահանող սարքերի միջոցով արձանագրված իրավախախտումները կատարվել են այլ անձի՝ Ստեփան Ամիրջադյանի

կողմից, ուստի Սվետիկ Ավագյանը չի կարող դրանց համար ենթարկվել վարչական պատասխանատվության:

Ելնելով վերոգրյալից, և ղեկավարվելով Վարչարարության հիմունքների և վարչական վարույթի մասին ՀՀ օրենքի 51-րդ հոդվածի 1-ին, 63-րդ հոդվածի 1-ին մասերով և Վարչական իրավախախտումների վերաբերյալ ՀՀ օրենսգրքի 247-րդ հոդվածի 9-րդ մասով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1401581420, 1401593005, 1401598918, 1401608579, 1401618213, 1401618468, 1401618512, 1401608556 և 1401621432 որոշումները բեկանել և վարչական իրավախախտման վերաբերյալ գործերը կարճել:

2. Դրանցով նշանակված վարչական տուգանքների գումարների բռնագանձման պահանջով ՀՀ ԱՆ հարկադիր կատարման ծառայություն ուղարկված կատարողական վարույթներից հրաժարվել:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

4. Սույն որոշման օրինակն ուղարկել Սվետիկ Ավագյանին և ՃՈ վարչական գործունեության բաժանմունք:

Կատարող Դ. Բալասանյան

